

Pueblo di Aruba a comportá su mes di manera excelente durante actividanan di Carnaval

Esaki ta algo cu por ta bo no ta tende ni na radio, ni wak den television, tampoco lesa den corant, pero ta un detaye di gran importancia y manera e dicho ta bisa: "Duna Cesar loke ta di Cesar". Pueblo di Aruba a comportá su mes den un forma impecabel durante cada un y tur di e actividanan carnavalesco di 1997.

Aunke e vigilancia policial durante eventonan manera Roadmarch y Calypso; eleccion di Reina infantil, hubenil y grandi; Jouvert Morning y Tumba tabata grandi y di mas na su lugar, no a tende di ningun caso unda cu tabatin mester di asistencia di cuerpo policial pa un pelea of accidente.

Si ta recordá mayoría di e accidentenan di tráfico cu a tuma lugar tabata den oranan di dia y no despues di actividanan di Carnaval.

E público a disfrutá plena y sanamente di cada eleccion, cada competencia y cada parada cu e único fin di reuní entre famia y amigonan y disfrutá di nos fiesta nacional manera ta un tradicion.

Pa loke ta trata e tan famoso hubentud "irresponsabel",



Carnaval 43 a conocé hopi actividanan organizá specialmente pa nos hubentud den cual ni un biaha a tende di un pelea of incidente cu adultonan por a criticá. Por bisa cu hubentud a usa Carnaval 43 pa demostrá cu nan por comportá nan mes hopi bon, contrario na nan fama.

Apesar di e disgusto entre nos hendenan pa e tantísimo cambio y discusion pa e organizacion di diferente eventonan musical, nan a asisti fielmente (sin kibra ningun record) na festivalnan di Calypso y Roadmarch y tambe Tumba. E foto riba e pagina aki ta muestra claramente e reaccion di e público na Calypso y Roadmarch Contest.

Tur esaki ta muestra claramente con hopi e pueblo Arubano ta balorá nan fiesta di Carnaval y cu cada un ta dispuesto na hiba esaki dilanti pa di un bez pa caba terminá cu tur e problemanan cu por tin.

Un cos ta cla, próximo año nan no kier pasa den esaki un biaha mas. Carnaval 44 lo mester ta uno yen di alegría, sin discusion y cu mas tempo y actividad cu cada Rubiano por disfrutá plenamente di dje.

FELIZ

Den Number Di

VABA

Vereniging Assurantie Bemiddelaars Aruba

Nos kier a desea Aruba henter un Dushi
Carnaval y corda cu bida ta dushi.

Usa pero no abusa di alcohol!

A.S.C.A. N.V.
ABN-AMRO N.V.
Aon Aruba N.V.
A.F. Aponte Ins. Brokers N.V.
Aruba Bank N.V.
Aruba Trustkantoor N.V.
Aseguros Aruba
AssurantieKantoor B.A. Solognier

Caribbean Mercantile Bank N.V.
Reeberg & Zonen N.V.
Seguranco N.V.
Seguros Geerman N.V.
Seguros L.D. Lacle
Seguros Mansur N.V.
Surina N.V.

CARNAVAL

Carnaval Sigur

E faha di seguridad

ta preveni 60% di

morto den accidente

automobilistico...

*Pasa un Feliz
y Safe Carnaval!*

